

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

A PAIN SINANCĚ BANA

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun camaxunbi 'unancĕ 'aish ca camabi uni, uni itsin racueocema 'janan cĕmei ami mananquin 'atimocĕna 'aish chŭamarua bucuti 'icĕn.

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun sinanti 'ainbi ca an usaquin sinancĕma unicaman an sinancĕx a meu 'icĕ uni 'aisamaira tĕmĕramianan paĕ tanmiquin 'atimoia, uni raírĭ usoquin uni 'ati ca 'aisama 'icĕ quicĕbĕtanbi. Usaquin bĕtsi unĭ 'ati cuĕĕnima ca camabi uni ěsai iti 'icĕn: ańu ńu ńui cara banaia a cupĭ ubĭocĕma itĭ, 'ianan ańu ńu cara sinania a cupĭ ubĭocĕma 'iti, 'ianan ańu cara pisa tania pianan ain cuĕĕncĕ ńu bĭanan uinu cara 'isa tania anu 'iabi ca bĕtsi unĭ unin racuĕotima icĕn.

CAMAXUNBI CA 'UNANIA: Gobiernocaman uni upitax bucunun quixun bana mĕniocĕma 'ain tĕmĕraquin ca unicaman masá nuituquin ain 'apumibĭ nishi 'acananti sinanti 'icĕn.

CAMAXUNBI CA 'UNANIA: Camabi netenu 'icĕ unicama ubĭocĕma 'aish chŭamarua 'inun ca camabi nĕtĕnu 'icĕ gobiernobĕ ain unicamaribi bĕtsi gobierno 'imainun ain unicamabĕ nishananima upĭ iti 'icĕn.

CAMAXUNBI CA 'UNANIA: Gobiernocaman xucĕx timĕcĕ unicaman ca upĭma ńu 'acĕma 'aish ca camabi uni bĕtsibĕ sĕnĕn 'aish ubĭonancĕma upiti itĭ icĕ quixun sinanquin camabi uni usai 'inun 'aquinŭ camaxbi 'iásamaira oi upiti bucunun.

CAMAXUNBI CA 'UNANIA: Gobiernocamanribi ca caxa, camabi 'apun anĕcĕ unicaman sinancĕsaribi oquin cananuna nunribi sinanin. Usaxun cananuna atubĕtan atún sinancĕsabi oi nun nĕtĕnu 'icĕ unicama 'atima ńu 'acĕma 'aish upiti bucunun 'aquinti 'ain.

CAMAXUNBI CA 'UNANIA: Camabi unicama ubĭocĕma upiti bucunun ca camaxunbi pain ĕnĕ banacama unanquin sinanti 'icĕn.

Gobiernocaman xucĕx timĕcĕ unicaman ca ěsaquin caxa:

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

Camabi nĕtĕnu 'icĕ unicaman: ěsai 'iti 'aish ca camabi uni upiti bucutĭ ice quixun sinanquin ca ĕnĕ quiricanua ńuicĕ banacama manutimoquin sinánan an ĕnĕ bana 'unancĕma unicamanribi upĭ oquin 'unánun 'unanmitĭ 'icĕn. Camabi gobiernonĕn ca ain nĕtĕnu icĕ unicaman ĕnĕ banacama upĭ oquin 'unánun 'aquinti 'icĕn. Camabi nĕtĕnu 'icĕ unicaman ĕnĕ banacama upĭ oquin 'unánun ca gobiernocama bĕtsi gobiernobĕ 'aquiananti 'icĕn.

1.

Ui uni cara 'iti icĕ axbi ca bĕtsi unibĕ gobiernonĕn iscĕx sĕnĕn itĭ icĕn. Ui cara ain tita ain papa 'iaxa quixun sinanquinma ca gobiernonĕn sinancĕx ax bĕtsibĕ sĕnĕn 'icĕn. Camaxunbi ca sinanti 'unanin. Camaxunbi ca ańu ńu ati cara asábi 'icĕn, ańu ńu 'ati cara 'aisama 'icĕ quixun 'unanti 'icĕn. Usa 'ain ca camaxbi ain xucĕnbĕ 'icĕsaribiti nuiananti 'icĕn.

2.

Uinu 'icë ëmanu 'icë uni cara ax 'icë, ui unin aintsi cara ax 'icë, ax cara xanu 'icë, ax cara nucë bënë 'icë, uisa banan cara banaia. Nucën Papa Diosmi cara sinania, ami sinanima añu ñubi rabi cara sinania, ui unicamax cara 'apu 'iti ice quixun sinania, añu ñu cara sinania, uisai cara ain papa ain tita 'ia, ñuñu cara ax 'icë, ñuñuma cara, usa ñucama sinanquinma ca gobiernonën camabi uni ñu 'atima 'acëma 'aish ca bëtsi unbë sënë icë quixun sinanti 'icën.

Uisa cara ain nete icë, a nëtë cupí ca uni 'atimocë 'itima 'icën.

3.

Ui unibi ca bëtsi unin bamamiti sinantima 'icën. Ca chiquítimoí sipuacë 'itima 'icën. Ca 'atimocë 'itima 'icën.

4.

Uinu 'icë unixbi ca chiquitimoquin marucë 'itima 'icën. Uni chiquitimoquin maruxun 'ibuati 'aíma ití 'icën.

5.

Uinu ice unibi ca 'aisamaira oquin uni itsin paë tanmitima 'icën. Bëtsi uni ami nishquin paë tanmiquin 'atimocë a ca 'itima 'icën. Ñuina 'acësa oquin 'atimocë ca uni 'itima 'icën.

6.

Uinu 'icë uníxa uinu cara 'ia a ca anu 'icë gobiernonën uni itsi 'acësaribi oquin sinanti 'icën, ax bëtsi unisaribi 'icë cupí.

7.

Uinu ice unibi, ami uni itsin upima sinanquin paránan 'atimonunma ca gobiernonën 'aquintí 'icën. Enë banacama sinanquinma ain cuëëncës a oquin unin uní itsi atimoi ami 'ësënanunma ca gobiernonën bërúati 'icën.

8.

Uni ñu 'atima 'acëma 'icëbi uni itsin 'atimocë 'ixun ca a unin an uni bana mënioxuncë 'apu cati 'icën. Cacëxun ca mëniotí 'icën, gobiernonën cacësabi oquin.

9.

Uinu 'icë unixbi ca añubi 'uchacëma 'icëbi bëtsi uni ain cuëëncësa oquin sipuacë 'itima 'icën. Sipunu 'icë ca anubi 'inun ëntima 'icën. Ain menua ca bëtsi menu cuantanun xutima 'icën.

10.

Unin uisa ñu 'acë 'icëa bëtsi uni a 'aisamonun quixun ami mananquin cacëxun ca an bana mënioçë 'apun bëtsi uni manancë a unin banaribi asërabí cara usa 'icë quixun 'unantí 'icën, uni raírinënribi ismainun. Upí oquin istancëxuinshi ca cati 'icën, uisa cara a uní otí ice quixun, gobiernonën ain quiricanu mëníosabi oquin.

11.

Uinu 'icë uni cara uni itsin ami manania, a ca an bana mënioce 'apun pain upí oquin sinantí 'icën, sapi ca ñu 'atima 'acëma 'icë quixun. Gobiernonën cacësabi oquin pain ca isti 'icën uisa ñucama cara 'axa quixun. Uni rairinën ismainun ca axa ami manancë unicaman bana cuanan amia manancancë a unin banaribi cuanan an a uni unancë unin banaribi cuatí 'icën. Cuaxuinshi ca asérabi uisa cara a uni 'iaxa quixun upí oquin 'unantí 'icën.

Uisai cara gobiernonën bana quia usoquinshi ca an bana menioce 'apun a 'uchacë uni asérabi ain ñu 'atima 'acë istancëxun uisa cara otí ice usoquin 'atí 'icën. Anun a ñu 'aisama 'acë nètë ain fecha isquin ca an bana mënioce 'apun a fecha gobierno quicë bana bëtisoima a bana quicësabi oquinshi axa 'uchacë uní atí icën.

12.

Uinu 'icë uninbi ca ain cuëncësa oquinshi bëtsi uni 'imainun ain xanu 'imainun ain bëchicë ubiotima 'icën, ain xubunu ca atsintima 'icën, ain quirica bëtsi unin bëmicë 'imainun quirica an buanmicë ca rairinën bitima 'icën. Usa 'ain ca uinu ice unixbi, a unix ca 'aisama icë quixun uni rairi sinanmi 'atimati banatima 'icën. Usai banacëbëtanbi an bana menioce apun gobiernonën cacësabi oquin meniotí 'icën.

13.

Uinu cara uni cuainsa tania, anu ca cuanti 'icën; ain nètënu 'aisch uinu cara tsotisa tania ca uni anu tsoti 'icën.

Ui unix cara ain nètënuax nètë itsinu cuainsa tania ax ca cuanti 'icën. Amanu 'itancëx ain nètënu utēcëinsa tani ca uti 'icën.

14.

Uix cara ain nètënuaxun bëtsi bëtsi ocë 'ia ax ca tēmëranuxma bëtsi nètënu cuainsa tani cuanti 'icën.

Ain ñu 'atima 'acë cupí gobiernonën mënioquin 'atimocë usa uni ca ain nètënuax tēmëratí rabanan bëtsi nètënu cuantima 'icën.

15.

Camabi uni ca ain netenu ití icën.

Enë nètë minan 'aishbi ca minanma 'iti 'icë quixun ca unin bëtsi uni catima 'icën. Bëtsi nètënu 'isa tanquin ca unin usai 'inuxun gobiernobëtan mëniotí 'icën.

16.

Bëtsi bëtsi unix ca quia: Uni canice ixunbi ca bëtsi netenu icë xanu bitima 'icën, ca bëtsi banan banacë xanu bitima 'icën, ca an rabicë dios rabicëma xanu bitima 'icën. Usa unix quicësai ca 'itima 'icën. Unin usa xanu canicë 'icë bisa tanquin ca bití 'icën, a xanu cuëncëbëtan. Atux 'isa tani ca bëchicëñu 'ití 'icën. Gobiernonën iscëx ca a uni ain xanubë sënën 'icën, xënibua 'ainbi.

Nucë bënë cuëenquinshi ca xanu biti 'icën, a anúribi cuëënia ca bití 'icën.

Tuácama ain tita ain papabë 'aquiananti ca asábi 'icën. Usai upiti bucunun ca camabi unin sinantí 'icën. 'Apunribi ca usai 'inun sinanxunquin 'aquintí 'icën.

17.

Uni meñu 'isa tania ca uni itsin meñu 'inun ënti 'icën. Xuburibi 'imainun añu ñuñu cara uni 'isa tania ca uni itsin a ñuñu 'inun ënti 'icën. 'Aisa tanquin uni rairibëtan mënïotancex ca a ñu ainainshima, rairinanribi 'iti 'icën.

Unin ca ain cuëëncësa oquinshi bëtsi unin ñu bitima 'icën.

18.

Camabi unin ca ain cuëëncësa oquin sinanti 'icën; uni rairinën ubiócëma ca 'ití 'icën. Uisoquin cara ain dios rabbitisa tania usoquin ca 'ati 'icën. Usaquin sinanxunbi ca amiribishi 'aisa tanquin sinantécentí 'icën; uni rairinén ubiocéma ca 'ití 'icën. En rabicë diosan iscëx ca bëtsi bëtsi ñu 'ati 'aisama 'icë quixun sinancë uni ca bëtsi unin a ain cuëëncësabi oquin 'anun ënti 'icën. Usa ain ca ain diosmi catamëisa tania bëtsi unin a 'axunma 'anun catima 'icën. An rabicë dios ca anbi rabbití 'icën. 'Aisa tani ca uni rairibë timëquin abëtan rabbiti 'icën. Rabiquin ca 'aisa tanquin rairi uniribi ain dios ñuiquin 'unanmití 'icën.

19.

Camabi unin ca ain cuëëncësa oquin sinanti 'icën. Ca ubiócëma 'iti icën. Ca bëtsi unin cacë bana 'aisa tanquin sinanti 'icën. Bëtsi nëtënu 'icë unbëribi ca 'unanmiananti 'icën. Usai 'i ca ubiócëma iti 'icën. Usaribi oi ca ain sinancë ñu ñui banatisa tani banati 'icën; ca ubiócëma 'iti 'icën.

20.

Uni rairibë timçtisa tani ca uni upí oquiinschi sinanx timetí 'icën.

Uinu 'icë uninbi ca bëtsi unin abëtan ñu 'aisama tania ubioxun ñu 'amitima 'icën.

21.

Camabi unin ca libreta electoralñu 'ixun ain cuëëncësa oquin 'apu caisquin votación 'atí 'icën.

Gobiernonën ain nëtënu 'icë unicama 'aquinun mënïocë ñucama ca camabi uninan 'icën. Ca esa 'icën: Bai cha anun ca carrocama 'imainun unicama cuainsa tani cuanti 'icën. Anun quirica buanmiti correo anun ca unin 'aisa tanquin ain quirica buanmiti 'icën. Usai ca 'iti 'icën.

Uisa gobierno cara a nëtënu 'icë unicama cuëënia, usa ca ain gobierno 'iti 'icën. Uisa gobierno cara a unicama cuëënia 'unánun ca libreta electoralñu 'icë unicaman quiricanu cuëñëoquin uicama cara ain 'apu 'iti cuëënia quixun 'unánun 'ati 'icën. Camabi uni ain sinancësabi oquin ca uix 'apu 'iti cara cuëënia, ain anë quiricanu cueneotí icën. Cuëñëocë ca uni itsin 'unantima 'icën, anbi cuëñëocë ca ití 'icën. Camabi uni ca bëtsibë sënën 'icën. Usa 'aish ca camabi uni gobierno quicësabi ol libreta electoralñu 'iti 'icën.

22.

An ñu 'atima 'acëma 'aish ca uinu 'icë unixbi rabinima bëtsi uni 'icësaí ñu meetinu ianan uni rairibë nuianancë 'ianan ain rairinën ñu 'acë 'icësaribi oi 'isa tani iti 'icën. Uní usai 'icëma 'aish tëmërala ca uni itsin 'aquinti 'icën, ain 'apunribi mënïocësabi oi ca 'aquinçe ití icën. Uni ain nëtënuax cara uisa ñu cara 'icëbë tëmëria ca bëtsi nëtënu 'icë gobiernonënríbi 'aquinsa tanquin 'aquinti 'icën.

23.

Camabi unin ñu mēētisa tanquin ca ñu meetí 'icēn. Añu ñu mēēti cara 'aisa tania a ñu mēēti mēraquin ca 'ati 'icēn. An ñu mēēmicē unin ca ain uni 'atimotima 'icēn. Ñu mēēti 'alma 'ain ca 'apun ñu mēēti mēranun 'aquintí 'icēn.

Ui uni cara, uisa cara ain bana 'icē, camabi uni ca sēnen 'icēn. Usa 'ixun ca upí oquin ñu meece 'ixun bētsi unin 'acēsaribi oquin ain cupí biti 'icēn.

Ui unin bētsi uni ñu mēēxuncē 'ixun ca ain cupí biti 'icēn, a 'imainun ain xanu 'imainun ain bēcicēcama upiti bucunun. Ain cupí 'itsamashi bicē 'aish 'aquinsa 'icē ca apun anun a 'aquinti mēníoti 'icēn.

An ñu mēēcē uni raíri unibē timēquin bētsibē bētsibē aquiananisa tanquin, ulsoquin cara ain ñu mēēti 'ati 'icē quixun sinánan uisa cara ain ñu meetí icē quixun acama sinánux timētia ca uni itsin usaquin anun enti icēn.

24.

Camaxbi ñu mēētancēx tantiti ca asábi 'icēn. 'Uráinra tantiquinma ñu mēētancēx ca tantití 'icēn. Anun tantiti nētē gobiernonēn mēnlocēsabi oquin ca unin ñu mēēquinmabi ain cupí biti 'icēn.

25.

Camabi uni 'imainun ain xanu 'imainun ain bēchicēcama ësai 'iti ca asábi 'icēn: 'insincēma chuámarua, pitiñu, chupañu, anu itinu, insincē 'aish roñu 'iti. Uni ain ñu meetí 'alma, uni insince, uni bētsicē, xanu casunamēcē, uni xēni acama anun upiti 'iti 'alma 'ain, ain aintsin 'aquiniama ca a 'aquinti 'apun mēniotí 'icēn.

Tuáñu xanucama 'imainun tuácamaribí upití inun ca 'aquincē ití icēn. Bētsi tuácama 'icēsaribitia 'inun ca unin xanumi sēcē' ocē tuácama bērúance ití icēn.

26.

Camabi tuá ca escuelanu atsintisa tani atsinti 'icēn. Cuploquinma ca primaria 'ati pain atsinti 'icēn. Camabi tuáratsu ca escuelanu cuanti 'icēn. Ui unicama cara escuela tēcnica anu atsintisa tania ca anu cuanti 'icēn, apun mēníosabi oi. Secundaria cēñutancēxun bētsi ñuribi unantisa tani ca bētsi escuelanuribi atsinti 'icēn, ain nota asábi ain.

Escuelanuxun ca quiricanu cuēñeocē ñuishi 'unanmicēma 'iti 'icēn. Anuxun ca alumnocama bētsi ñu 'atiribi 'unanmicē ití 'icēn, 'imainun ca upí oquian alumnonēn sinanti aribi 'unanmicē 'iti 'icēn. Bētsi menu 'icē unicama 'imainun bētsi banan banacē unicama 'imainun Nucēn Papa Diosmi sinancē unicama 'imainun ami sinancēma unicama, camabi nusaribi uni 'aish unibē nuibananti ca 'unanmicē 'iti 'icēn. Usaquin sinanmicēx ca gobiernocaman xucē unicama timēxun cuēñcēsabi oi unicama bētsibē nishanani 'acananti 'aima ití icēn.

Bētsi unin cacēsamaira oquin ca ain titabētan ain papan cati 'icēn, uisa escuelanuxuinra cara ain bēchicēnēn ñu 'unanti ice quixun.

27.

A ēmanu 'icē unicaman 'acēsa oquin ca anu 'icē uni rairinēn 'aisa tanquin usaribi oquin 'ati 'icēn. A ēmanu 'icē unicaman sinancēsa oquin ca anu 'icē uni rairinēn 'aisa

tanquin usaribi oquin sinanti 'icën, camaxunbi ñu 'ati upí oquin 'unánan upiti bucunun.

An ñu 'acë uní 'imainun an ñu cuënëocë uni anpan 'acë 'ain ca bëtsi unix, en 'acë ca quiax quitima 'icën. Usai bëtsi unix quiti rabanan ca an ñu 'acë unin 'aisa tanquin an 'acë ñu a 'apu 'unanmiti 'icën.

28.

Enë quiricacama quicësabi oi camabi uni uni itsin ublocëma upiti bucuti 'inun ca camabi nëtënu icë unin ain aintsi 'aquinti 'icën.

29.

Camabi únin ca ain ëmanu 'icë unicama 'imainun a 'urama 'icë ain caibucama 'aquianan atubëtan ain ëma 'imainun mecama upí imití icën. Usaquin 'ai cuni ca unix masá sinancëma 'aish upiti 'ití 'icën.

Unix ublocë 'aish upiti bucucëma 'imainun unin ñu 'atima 'aquin uni itsiribi ñu 'atima 'amiti 'imainun bëtsi bëtsi ñu sinanquin uni raíri tsuáquirumiti usai 'iti rabanan ca gobiernonën ain unicaman cuati bana mëníoia. Usa oquin mënlocë banacama ca ain unicaman cuati 'icën.

Gobiernocaman xucëx timçcë unicaman upí oquin sinanquin ca ënë banacama cuënëoxa. Usaribi oquin ca camabi unin ënë bana isquin, usaquin sinanquin 'acë ca enex ice quixun upí oquin sinanti 'icën. An 'acë unicaman sinancë bana ca bëtsiotima 'icën.

30.

Enë banacama bëtsioquin ca uinu 'icë uninbi uni raíricama upiti bucunun quixun sinanquinma, 'ëx cuëëncësa oquin 'anun ca a bana quia quixun sinantima 'icën. Uni raíri bëtsi unibë timëcëcama 'imainun gobiernonu ice apucamanribi ca usa oquin sinantima icën.